

四庫全書

集部

欽定四庫全書

御定佩文齋詠物詩選卷一百四十二

劍類

五言古

劍

魏文帝

越民鑄寶劍出匣吐寒芒服之禦左右除凶致福祥

寶劍

梁吳均

我有一寶劍出自昆吾谿照人如照水切玉如切泥鐔

邊霜凜凍匣上風淒淒寄語張公子何當來見攜

經豐城劍池

陳陰鏗

清池自湛澹神劍久遷移無復連星氣空餘似月池夾
篠澄深淥含風結細漪唯有蓮花夢還想匣中雌

古劍

唐劉長卿

龍泉閒古匣苔蘚淪此地何意久藏鋒翻令世人棄鐵
衣今正澀寶刃猶可試儻遇拂拭思應知剗犀利

折劍頭

唐白居易

拾得折劍頭不知折之由一握青蛇尾數寸碧峰頭疑
是斬鯨鯢不然刺蛟蚪缺落泥土中委棄無人收我有
鄙介性好剛不好柔勿輕直折劍猶勝曲全鈎

寶劍吟

宋陸游

幽人枕寶劍殷殷夜有聲人言劍化龍直恐興風霆不
然憤狂豎慨然思遐征取酒起酌劍至寶當潛形豈無
知君者時來自施行一匣有餘地胡為鳴不平

寶劍篇

明祝允明

我有三尺匣白石隱青鋒一藏三十年不敢輕開封無
人解舞術秋山蟄神龍時時自提看碧水蒼芙蓉家雞
未須割屠蛟或當逢想望張壯武揄揚郭代公高歌撫
匣卧遐想干將翁幸得笛光彩長飛星漢中

七言古

附長短句

古劍篇

唐
郭元振

君不見昆吾鐵冶飛炎煙紅光紫氣俱赫然良工鍛鍊
凡幾年鑄得寶劍名龍泉龍泉顏色如霜雪良工咨嗟

歎竒絕琉璃玉匣吐蓮花錯鏤金環映明月正逢天下
無風塵幸得周防君子身精光黯黯青蛇色文章片片
綠龜鱗非直結交遊俠子亦曾親近英雄人何言中路
遭棄捐零落漂淪古獄邊雖復塵埋無所用猶能夜夜
氣衝天

與李渤新羅劍歌

唐
李涉

我有神劍異人與暗中往往精靈語識者知從東海來
來時一夜因風雨長河臨曉北斗殘秋水露背青螭寒

昨夜大梁城下宿不借跌跌光顏看刃邊颯颯塵沙缺
癥痕半是蛟龍血雷煥張華久已無沈寃知向誰人說
我有愛弟都九江一條直氣今無雙青光好去莫惆悵
必斬長鯨須少壯

武昌銅鈞歌

宋蘇軾

雨餘江清風卷沙雷公躡雲捕黃蛇蛇行空中如枉矢
電光煜煜燒蛇尾或投以塊鏗有聲雷飛上天蛇入水
水上青山如削鐵神物欲出山自裂細看兩脅生碧花

猶是西江老蛟血蘇子得之何所為蒯緱彈鋏詠新詩
君不見凌煙功臣長九尺腰間玉具高拄頤

張幾仲有龍尾子石硯以銅劔易之

蘇軾

我家銅劔如赤蛇君家石硯蒼壁楯而靈君持我劔向
何許大明宮裏玉珮鳴衝牙我得君硯亦安用雪堂窗
下爾雅箋魚鰕二物與人初不異飄落高下隨風花蒯
緱玉具皆外物視草草元無等差君不見秦趙城易壁

指圖晚柱相矜誇又不見二生妾換馬驕鳴啜泣思其
家不如無情兩相與永以為好譬之桃李與瓊華

郭祥正家醉畫竹石壁上郭作詩為謝且遺二

古銅劍

蘇軾

空腸得酒芒角出肝肺槎牙生竹石森然欲作不可回
吐向君家雪色壁平生好詩仍好畫書牆浣壁長遭罵
不瞋不罵喜有餘世間誰復如君者一雙銅劍秋水光
兩首新詩爭劍鏃劍在牀頭詩在手不知誰作蛟龍吼

漢劍歌

元貢奎

古劍粼粼一泓水高堂脫鞘神光起何年失勢竟飛來
風雨靈雌泣淵底自從掌握歸山人勾連鐵鎖羈煙塵
山石裂開鳴碧玉土華蝕盡浮蒼鱗天官下勅百靈守
呼吸雲雷任驅走或云其來由漢始留侯佩從赤松子
千載相傳有定名造物忘令書太史君不見干將莫邪
離復合氣衝牛斗森滅沒長鯨掉尾滄海闊

寶劍歌

明孫炎

寶劍光耿耿佩之可以當一龍只是陰山太古雪為誰
結此青芙蓉明珠為寶錦為帶三尺枯蛟出冰海自從
虎革裹干戈飛入芒碭育光彩青田劉郎漢諸孫傳家
惟有此物存匣中千年睡不醒白帝血染桃花痕山童
神全眼如日時見蜿蜒走虛室我逢龍精不敢彈正氣
直貫青天寒還君持之獻明主若歲大旱為霖雨

匣劍行

明
張元凱

生長閩閩國家住專諸里鍛鍊昆吾成一匣明秋水秋

水泠泠聲繞扉，淒清中夜蛟龍歸。空廬獨抱朗月卧，高天颯動霜華飛。提攜神物無人覺，何來白虹常在握。鋒芒衛霍耀天山，精靈荆聶傾河嶽。結客紛紛向五陵，呼盧博采且浮沈。寧輸百萬笛三尺，懸在腰間酬寸心。鸞鷁新淬光如雪，照見人間不平事。玉玦金環日日間，匣中一朶明珠淚。巖城吹角秋夜清，風淒月肅鄰雞鳴。擘衣起舞欲拔劍，無乃歲久青苔生。莫邪空老無人齒，世人共寶鉛刀耳。幕南塞北行路難，酬恩報怨竟誰是。淪

落沈埋一蒯緄恥將彈缺動諸侯豐城不掩干霄氣越石何嗟繞指柔

五言律

蕃劍

唐杜甫

致此自僻遠又非珠玉裝如何有竒怪每夜吐光芒虎氣必騰上龍身寧久藏風塵苦未息持汝奉明王

寶劍篇

唐劉長卿

寶劍不可得相逢幾許難今朝一度見赤色照人寒匣

裏星文動環邊月影殘自然神鬼伏無事莫空彈

賦得雙佩劍送方生趨幕府

明潘緯

延津雙玉虹神物合雌雄易用千金購難為一割功塵
埋餘斗氣歲遠結陰風感激封侯去龍鳴出匣中

賦得劍并送湯憲副

明童珮

寶鏑曾笛此千年尚有名星辰片雲識風雨半江生鍊
想古人跡功知烈士成張華在當路寧使久延平

五言排律

觀淬龍泉劍

唐裴夷

歐冶將成器風胡幸見逢
發硎思剗玉投水化為龍
詎肯藏深匣終期用剗鐘
蓮花生寶鏹秋日厲霜鋒
練質纔三尺吹毛過百重
擊磨如不倦提握願長從

劍化為龍

唐張聿

古劍誠難屈精明有所從
沈埋方出獄會合却成龍
牛斗寃初歇蜿蜒氣漸濃
雲濤透百尺水府躍千重
拖尾迷蓮鏹張鱗露錦容
至今沙岸下誰得覩靈蹤

五言絕句

劍客

唐 賈島

十年磨一劍，霜刃未曾試。
今日把似君，誰有不平事。

七言絕句

書劍

唐 元稹

渝工劍刃皆歐冶，巴吏書蹤盡子雲。
唯我心知有來處，泊船黃草夜思君。

寶劍

唐 韓偓

困極應還有日通，難將塵土掩神蹤。
但教出得豐城後，不是延津亦化龍。

詠劍

明沈貞

三尺精靈夜吐輝，曾聞天上化龍飛。
千金漫落英雄手，不斷人間是與非。

戚將軍贈寶劍歌

明王世貞

鑄成歐冶笑相看，朶朶蓮花映日寒。
自是君家第三劍，萬年不遣贈來丹。

其二

曾向滄流刺怒鯨
酒闌分手贈書生
芙蓉澀盡魚鱗老
總為人間事漸平

其三

霜華出匣影迷離
懶傍商山刈紫芝
腰下長鎌來便如
不須風雨論雄雌

其四

螭頭銜玉虎
絲絛白晝凌霜夜
吼濤東海王
生身漸老

可能酬得呂虔刀

御定佩文齋詠物詩選卷一百四十二

欽定四庫全書

御定佩文齋詠物詩選卷一百四十三

旌旗類

五言古

揚旗

唐杜甫

江雨颯長夏府中有餘清
我公會賓客肅肅有異聲
初筵閱軍裝羅列照廣庭
庭空六馬入駸駸揚旗旌
旌回回偃飛蓋熠熠迸流星
來纏風颺急去擘山嶽傾
材歸俯

身盡妙取略地平虹蛇就掌握舒卷隨人輕三州逼寇
戎但見西嶺青公來練猛士欲奪天邊城此堂不易升
庸蜀日已寧吾徒且加餐休適蠻與荆

五言律

旌

唐李嶠

告善康莊側求賢市肆中擁麾分彩雉持節曳丹虹影
麗天山雪光搖朔塞風方知美周政抗旆賦車攻

旗

李嶠

桂影承宵月虹輝接曙雲縱橫齊八陣舒卷引三軍日
薄蛟龍影風翻鳥隼文誰知懷勇志蟠地幾繽紛

五言絕句

麾

彩帛曳長虹悠悠捲塞風三軍齊陷陣應在一揮中

御定佩文齋詠物詩選卷一百四十三

欽定四庫全書

御定佩文齋詠物詩選卷一百四十四

戰袍類

七言古

觀杭州鈴轄歐育刀劍戰袍

宋蘇軾

青綾衲衫暖襯甲紅線勒帛光遶脅
禿巾小袖雕鷗盤
大刀長劍龍蛇柙兩軍鼓噪屋瓦墜
紅塵白羽紛相雜
將軍恩重此身輕
笑履鋒銳如一插
書生只肯坐帷幄

談笑毫端弄生殺，叫呼擊鼓催上竿。猛士應憐小兒黠，
試問黃河夜偷渡，掠面驚沙寒霎霎。何如大艦日高眠，
一枕清風過茗雪。

五言律

賦得戰袍紅

明徐渭

海罽染啼猩，征袍製始成。春籠香共墨，夜帳火俱明。
自與鷄旗映，還宜蟒繡縈。戰歸新月上，脫向侍兒擎。

五言絕句

戰袍

明高啓

雕錦剪花團三邊總認看尋常不肯著風雪念兵寒

御定佩文齋詠物詩選卷一百四十四

欽定四庫全書

御定佩文齋詠物詩選卷一百四十五

彈類

五言古

南林彈

晉
桓
玄

散帶躡良駟揮彈出長林
歸翮赴舊棲喬木轉翔禽
落羽尋絕響屢中轉應心

七言古

挾彈圖

明陳紹先

連錢驄馬雕鞍新銀蹄蹀躞揚風塵一聲嘶過沙隄畔
雨香雲暖當芳春烏紗雲錦新承賜侍宴明光醉歸去
彎弓挾彈望飛禽落花滿地無尋處

其二

奚官平明出建章金羈白馬多恩光翻身忽見草中兔
雕弓滿殼如鷹揚四蹄蹴踏煙莎短垂鞭緩把絲韁綰
歸來猶帶上林酣揮袂香風春日暖

五言律

彈

唐李嶠

俠客持蘇合佳遊滿帝鄉
避丸深可誚求炙遂難忘
金迸疑星落珠成似月光
誰知少孺子將此諫吳王

七言絕句

宮詞

宋花藥夫人

侍女爭揮玉彈弓
金丸飛入亂花中
一時驚起流鶯散
踏落殘花滿地紅

四馬挾彈圖

元 楊維禎

八駿瑤池一半歸錦袍欲脫玉腰圍
君王手挾流星彈 莫打慈烏繞樹飛

題挾彈人馬圖

明 張適

驄騎閒行不用鞭綠陰原上草芊芊
是誰催促春歸去 却把金丸打杜鵑

題挾彈圖

明 陳繼

白馬雕鞍艷綺羅東城南陌遍經過
金丸且莫輕拋擲

綠樹春深乳雀多

題趙仲穆挾彈圖

明李東陽

東風挾彈小城春
遊騎飛韁不動塵
道上相逢休借問
衛家兄弟霍家親

御定佩文齋詠物詩選卷一百四十五

欽定四庫全書

御定佩文齋詠物詩選卷一百四十六

鞭類

五言古

野夫採鞭於東山偶得元者

唐 羊士諤

追風豈無策持斧有遐想
鳳去留孤根巖懸非朽壤
苔斑自天生玉節垂雲長
勿謂山之幽丹梯亦可上

野節鞭

唐 元稹

神鞭鞭宇宙玉鞭鞭騏驎緊綰野節鞭本用鞭鬚鬚使
君鞭甚長使君馬亦利司馬竝馬行司馬馬顛顛短鞭
不可施疾步無由致使君駐馬言願以長鞭遺此遺不
尋常此鞭不容易金堅無繳繞玉滑無塵膩青蛇坼生
石不刺山阿地烏龜旋眼斑不染江頭淚長看雷雨痕
未忍駑駘試特用換所持無令等閒棄答言君何竒贈
我君所貴我用亦不凡終身保明義誓以鞭姦頑不以
鞭蹇躓指搗狡兔蹤決撻怪龍睡借令寸寸折節節不

虛墜因作換鞭詩詩成謂同志而我得聞之笑君年少
意安用換長鞭鞭長亦奚為我有鞭尺餘泥拋風雨漬
不擬閒贈行唯將爛誇醉春來信馬頭款緩花前轡願
我遲似孿饒君疾如翅

長短句

詠馬鞭

唐
高適

龍竹養根凡幾年工人截之為長鞭一節一目皆天然
珠重重星連連繞指柔純金堅繩不直規不圓把向空

中捎一聲良馬有心日馳千

五言律

賦得鐵馬鞭

唐戎昱

成器雖因匠懷剛本自天為憐持寸節長擬靜三邊未
入英髦用空存鐵石堅希君剖腹取還解抱龍泉

七言律

劉二十八以文石枕見贈仍題絕句以將厚意

因持壁州鞭酬謝兼廣為四韻

唐
元稹

枕截文瓊珠綴篇野人酬贈壁州鞭用長時節君須策
泥醉風雲我欲眠歌盼彩霞臨藥竈執陪仙仗引爐煙
張騫却上知何日隨會歸期在此年

御定佩文齋詠物詩選卷一百四十六

欽定四庫全書

御定佩文齋詠物詩選卷一百四十七

武備雜類

五言古

詠鞞應詔

梁蕭琛

抑揚應雅舞擊節逗和音却馬既云在將帥止思心

七言古

文皇御槍歌

明王世貞

天欲大統歸文皇健兒插羽起翼方隆準重瞳美髯秀
如雲黑幟綠沈槍幟尾絨排七曜色槍尖鐵浴九秋霜
毋論此槍丈二尺尺刃能為萬人敵燿如掣電長繞身
裊若修蛇四生翼銜枚直透深陣後立表時懸伏兵色
白溝河潰呼吸中金陵鐵甕無堅墉保兒身手豈不健
凡介豈敢追真龍紫茸甲彫赤驃死若論元勳此槍耳
貫鏃中穿懸昧白捍刃痕多斷鱗紫星斗長依黼座邊
虹霓不試太平年寧如漢祖斬蛇劍武庫風多遽上天

五言律

弩

唐
李嶠

挺質本軒皇，申威震遠方。
機張驚雉雉，玉彩耀星芒。
高鳥行應盡，清猿坐見傷。
蘇秦六百步，推此說韓王。

夕烽

唐
杜甫

夕烽來不近，每日報平安。
塞上傳光小，雲邊落點殘。
照秦通警急，過隴自艱難。
聞道蓬萊殿，千門立馬看。

五言絕句

矛

明
高啓

畫翰似蛇長誰論半段槍日斜親鬪罷高宴卓沙塲

胄

高啓

黃金胄虎頭乍免走豪酋還有從容處綸巾按壘遊

鎧

高啓

絲串鏤文銀高城日照鱗擗來曾攪陣一鏃不傷身

七言絕句

狼煙

唐
薛逢

三道狼煙過磧來受降城上探旗開傳聲却報邊無事
自是官軍入鈔回

聞號

唐
鄭畋

陸兵偏近御林營夜靜仍傳禁號聲應笑執金雙闕下
近南猶隔兩重城

御定佩文齋詠物詩選卷一百四十七

欽定四庫全書卷

御定佩文齋詠物詩選卷一百四十八

鹵簿類

五言排律

元日望含元殿御扇開

唐張
宮

萬國來朝歲千秋
覲聖君輦迎仙仗
出扇匝御香焚俯
對朝容近先知曙
色分冕旒開處見
鐘磬合時聞影動
承朝日花攢似慶
雲蒲葵那可比徒
用隔炎氛

七言律

元日樓前觀仗

唐薛逢

千門曙色鎖寒梅
五夜疎鐘曉箭催
寶馬占隄朝闕去
香車爭路進名來
天臨玉几班初合
日照金雞仗欲迴
更傍紫微瞻北斗
上林佳氣滿樓臺

七言絕句

宮詞

唐王建

秘殿清齋刻漏長
紫微宮女夜焚香
拜陵日近公卿發

鹵簿分頭出太常

壽杯詞

唐司空圖

臺城細仗曉初移
詔賜千官襖飲時
綠帳遠籠清佩響
更熏晴日上龍旗

駕幸新豐溫泉宮獻詩

唐上官昭容

鸞旂掣曳拂空回
羽騎驂躡躡景來
隱隱驪山雲外聳
迢迢御帳日邊開

探花詞

金元好問

禁裏蒼龍啟九關殿前鸚鵡喚新班沈沈綠樹鞭聲遠
嫋嫋薰風扇影閒

元旦朝回書事

元 吳師道

朱衣高唱御樓東清漏遲遲晝景中黃繖寶幢微影動
一時吹面受東風

輦下曲

元 張昱

三司侍宴皇情洽對御吹螺大禮終寶扇合鞘催放仗
馬蹄哄散萬花中

古宮詞

元王逢

萬年枝上月團團
一色珠衣立露寒
獨有君王遙認得
扇開雙尾簇紅鸞

御定佩文齋詠物詩選卷一百四十八

欽定四庫全書

御定佩文齋詠物詩選卷一百四十九

儀器類

五言律

銅儀

元
揭傒斯

法象坤儀重來從
汴水遷飛龍纏四極
黃道界中天望
絕秋毫求循環太古前
荒臺明月夜歷歷
應星躔

五言排律

尚書郎上直聞春漏

唐張少博

建禮含香處重城待漏辰
徐聞傳鳳闕曉唱辨雞人
銀箭聽將盡銅壺滴更新
催籌當五夜移刻及三春
杳杳從天遠泠泠出禁頻
直廬殘響曙肅穆對勾陳

冬夜集賦得寒漏

唐皇甫冉

清冬洛陽客寒漏建章臺
出禁因風徹縈牕共月來
偏將殘瀨雜乍與遠鴻哀
遙夜重城警流年滴水催
閒齋堪坐聽况有故人杯

觀象臺銅渾天儀刻漏

明鍾惺

製出何人手年標異代君篆成蚪蚪跡斑上鷓鴣紋古
瓦棲朝露孤楹抱宿雲九金來禹牧七政準堯文候較
吹葭審躔從累黍分當時甘石輦心目太精勤

七言律

銅儀

唐韋莊

銅儀一夜變葭灰煖律還吹嶺上梅已喜漢宮今再睹
更驚堯曆又重開窓中遠岫青如黛門外長江綠似苔

誰念閉關張仲蔚滿庭春雨長蒿萊

刻漏

宋朱子

無疑莫詣君平肆任運休尋季主家
謾設銅壺候尺咫
閒參玉表驗分差不妨啟處知時節
那更榮枯紀歲華
却羨昇平好官府日高三丈放朝衙

五言絕句

宮中樂

唐令狐楚

月上宮花靜烟含苑樹深
銀臺門已閉仙漏夜沈沈

七言絕句

宮詞

宋
花蕊夫人

雞人報曉纔三唱
玉井金牀轉轆轤
烟引御爐香繞殿
漏籤初刻上銅壺

早朝詩

明
楊子器

殘月朧朧欲五更
禁門候立萬燈明
君王靜對銅人坐
一夜齋宮數漏聲

引奏後即事

明
蔡羽

千門花柳轉楓宸
百和香中過輦塵
銀箭忽從天上落
六宮仙子聽時辰

日星晷

明
周玉簫

八節晨昏子半時
極星出地較高卑
君心不似天經緯
日日歸垣定不移

御定佩文齋詠物詩選卷一百四十九

欽定四庫全書

御定佩文齋詠物詩選卷一百五十

權衡度量類

四言古

嘉量銘

周闕名

時文思索允臻其極嘉量既成以觀四國永啟厥後茲
器維則

五言律

欽定四庫全書

御定佩文齋詠物詩選
卷一百五十

賦得秤送孟孺卿

唐包何

願以金錘秤因君贈別離
鈎懸新月吐衡直衆星隨
掌握須平執錙銖必盡知
由來投分審莫放弄權移

五言排律

奉和中和節詔賜公卿尺

唐裴度

陽和行慶賜尺度為臣工
荷寵乘佳節傾心立大中
短長思合製遠近貴攸同
初仰裁成德將酬分寸功
作程施有用垂範播無窮
願永延洪壽千春奉聖躬

奉和中和節詔賜公卿尺

唐李觀

淑景韶光媚皇家寵錫崇具寮頒玉尺成器幸良工豈
止尋常用將傳度量同人何不取則物亦賴其功紫翰
宣殊造丹誠屬匪躬奉之無失墜恩澤自天中

七言絕句

天枰

明郭登

體物何曾有重輕相君因爾號阿衡誰多誰少皆公論
繞有些兒便不平

御定佩文齋詠物詩選卷一百五十

--	--	--	--	--	--	--	--

欽定四庫全書

御定佩文齋詠物詩選卷一百五十一

寶玉類

四言古

玉贊

晉 庾肅之

圓璧月鏡
瓊琳星羅
結秀藍田
輝真荆和
元珪特達
瑜不掩瑕
質鮮氣潤
流映滂沱

瑾瑜玉贊

晉 郭璞

鍾山之美爰有玉華光彩流映氣如虹霞君子是佩象
德閑邪

五言古

見賣玉器者

宋鮑照

涇渭不可雜珉玉當早分子實舊楚客蒙俗謬有聞安
知理孚采豈識質明溫我方厯上國從洛入函轅揚光
十貴室馳譽四豪門竒聲振朝邑高價服鄉邨寧能與
爾曹瑕瑜稍辨論

古風

唐李 白

宋國梧臺東野人得燕石誇作天下珍却哂趙王璧趙
璧無緇磷燕石非貞真流俗多錯誤豈知玉與珉

七言古

片玉篇

唐錢 起

至寶未為代所竒韞靈示璞荆山陞獨使虹光天子識
不將清韻世人知世人所貴惟燕石美玉對之成瓦礫
空山埋照凡幾年古色蒼痕宛自然重谿暮暮暗雲樹

一片熒熒光石泉美人之鑒明且徹玉指提携歎竒絕
試勞香袖拂莓苔不覺清心皎冰雪連城美價幸逢時
命代良工豈見遺試作珪璋禮天地何如璫璫在堦墀

金璫玉珮歌

唐顧况

贈君金璫太霄之玉珮金鎖禹步之流珠五嶽真君之
秘籙九天丈人之寶書東井沐浴辰已畢先進洞房上
奔日借問君從何處來黃姑織女機邊出

五言律

詠玉

唐李嶠

映石先過魏，連城欲向秦。
洛陽陪勝友，燕趙類佳人。
方水晴虹媚，常山瑞馬新。
徒為卞和識，不遇楚王珍。

五言排律

賦得沽美玉

唐南巨川

抱玉將何適，良工正在斯。
有瑕寧自掩，匪石幸君知。
雕琢成器，緇磷志不移。
飾樽光宴賞，入佩奉威儀。
象德曾畱譽，如虹竊可竒。
終希逢善價，還得桂林枝。

賦得沾美玉

唐羅立言

誰憐披褐士懷玉正求沾成器終期達逢時豈見誣寶
同珠照乘價重劔論都浮彩朝虹滿懸光月影孤幾年
淪瓦礫今日出泥塗采斲資良匠無令瑕掩瑜

賦得瑕瑜不相掩

唐陳中師

出石溫然玉瑕瑜素在中妍媸因異彩音韻信殊風讓
美心方並求疵意本同光華開縝密清潤仰磨礪秀質
非攘善貞姿肯廢忠今來儻成器分別在良工

賦得瑕瑜不相掩

唐
武翊黃

抱璞應難辨，妍媸每自融。
貞姿偏特達，微玷遇磨礱。
涓流終異瑕，瑜自不同半。
曾光透石未，掩氣如虹纈。
密誠為智包，藏豈為忠疑。
看分美惡，今得值良工。

賦得白珪無玷

唐
辛洪

片玉表堅貞，逢時寶自呈。
色鮮同雪白，光潤奪冰清。
皎皎無瑕玷，鏘鏘有佩聲。
崑山標重價，垂棘振香名。
抱璞心常苦，全真道未行。
琢磨欣大匠，還冀動連城。

賦得憂玉有餘聲

唐
管雄甫

憂玉音難盡凝人思轉清依稀流戶牖
髣髴在檐楹更逐松風起還將澗水并
樂中如舊曲天際轉餘聲漂渺浮烟遠
溫柔入耳輕想如君子佩時得上堂鳴

賦得玉聲如樂

唐
潘存實

表質自堅貞因人一叩鳴靜將金並響
妙與樂同聲杳杳疑風送泠泠似曲成
韻含湘瑟切音帶帝絃清不獨藏虹氣
猶能暢物情后夔如為聽從此振琮琤

賦得瑕玉成器

唐
葉季良

片玉寄幽石，紛綸當代名。
荆人獻始遇，良匠琢初成。
水映寒光動，虹開晚色明。
雅容看更澈，餘響叩彌清。
自與瓊瑤比方，隨掌握榮因。
知君有用，高價佇連城。

五言絕句

詠水精

唐
韋應物

映物隨顏色，含空無表裏。
特來向明月的，樂愁成水。

詠珊瑚

韋應物

絳樹無花葉非石亦非瓊世人何處得蓬萊頂上生

詠琉璃

韋應物

有色同寒冰無物隔纖塵象筵看不見堪將對玉人

水精

唐王建

映水色不別向月光還度傾在荷葉中有時看是露

七言絕句

冶春口號

元楊維禎

見說崑田生玉子海西還有小昆侖明朝去拔珊瑚樹

龍氣隨飛過海門

元宮詞

明 朱有燬

一段無瑕白玉光
來從西域獻君王
製成新樣雙龍鼎
慶壽宮中奉太皇

御定佩文齋詠物詩選卷一百五十一

欽定四庫全書

御定佩文齋詠物詩選卷一百五十二

珠類

五言古

擬古

宋
朱子

夫君滄海至贈我一篋珠誰言君行近南北萬里餘結
作同心花綴在紅羅襦雙垂合歡帶麗服眷微軀為君
一起舞君情定何如

古樂府

元 黃清老

君好錦繡段妾好明月珠
錦繡可為服服美令人愚
不如珠夜光可以照讀書

五言律

詠珠

唐 李嶠

燦爛金輿側玲瓏玉殿隈
昆池明月滿合浦夜光迴
彩逐靈蛇轉形隨舞鳳來
甘泉宮起罷花媚望風臺

奉試明堂火珠

唐 崔曙

正位開重屋凌空出火珠
夜來雙月滿曙後一星孤
天淨光難滅雲生望欲無
遙知太平代國寶在名都

五言排律

省試驪珠詩

唐耿漳

是日重淵下言探徑寸珠
龍鱗今不逆魚目也應殊
掌上星初滿盤中月正孤
酬恩光莫及照乘色難踰
欲問投人否先論按劍無
儻憐希代價敢對此冰壺

賦得沈珠於淵

唐獨孤綬

至道歸淳朴明珠被棄捐
失真來照乘成性却沈泉
不是靈蛇吐猶疑合浦旋
岸傍隨日落波底共星懸
致遠終無脛懷貪遂比肩
欲知恭儉德所寶在惟賢

賦得珠還合浦

唐 鄧 陟

至寶含冲粹清虛映浦灣
素輝明蕩漾圓彩色紛瑠
昔逐諸侯去今隨太守還
影搖波裏月光動水中山
魚目徒相比驪龍乍可攀
願將車飾用長得耀君顏

賦得濁水求珠

唐 項 斯

靈魄自沈浮從來任濁流願從深處得不向暗中投圓
月時堪惜滄波路可求沙尋龍窟遠泥訪蚌津幽是寶
終知貴惟思且用酬如能在公掌的不負明眸

賦得暗投明珠

唐崔藩

至寶看懷袖明珠出復收向人光不定離掌勢難留皎
澈虛臨夜孤圓冷瑩秋徐來驚月落疾轉怕星流有淚
甘瑕棄無媒自暗投今朝感恩處將欲報隋侯

賦得水懷珠

唐莫宣卿

長川含媚水波底孕靈珠素魄生蘋末圓規照水隅淪
漣水彩動蕩漾瑞光鋪夜迴星同貫秋清岸不枯江妃
思在掌海客亦忘軀合浦當還日恩威信已敷

被褐懷珠玉

宋 黃庭堅

國士懷珠玉通津不易杠積藏心有待褐短義難降寶
唾歸青簡晴虹貫夜窓直言方按劍豈是故迷邦彈雀
輕千仞連城買一雙安知藍縷底明月弄寒江

五言絕句

桂水五千里

元 楊維禎

桂水五千里南風大府開象王新貢入鮫女送珠來

七言絕句

小遊仙詩

唐 曹 唐

滄海令拋即未能且緣鸞鶴立相仍蔡家新婦莫嫌少
領取真珠三五升

遊仙

明 湯穎績

掛樹蒼猿朗朗呼蘚侵石壁字模糊癡龍領下珠如月

照見寰中五嶽圖

武皇南巡舊京歌

明 顧 璘

石壁斜臨元武湖中開天府貯民圖文魚在藻承皇澤
來傍龍舟夜吐珠

嘉靖宮詞

明 李 葵

小車飛曳向元都翠羽金翹笑自扶玉螭橋邊長日市
內官爭買大秦珠

御定佩文齋詠物詩選卷一百五十二

欽定四庫全書

御定佩文齋詠物詩選卷一百五十三

金類

附銀

五言律

金

唐

李嶠

南楚標前貢西秦識舊城祭天封漢嶺擲地警孫聲
向日披沙淨含風振鐸鳴方同楊伯起獨有四知名

銀

唐

李嶠

思婦屏輝掩遊人燭影長
玉壺初下箭桐井共安牀色
帶明河色光浮滿月光
靈山有珍瓏仙闕薦君王

五言排律

賦得金在鎔

唐
白行簡

巨索方鎔物洪爐欲範金
紫光看漸發赤氣望逾深
燄熱晴雲變煙浮晝景陰
堅剛由我性鼓鑄任君心
踴躍徒標異沈潛自可欽
何當得成器待叩向知音

七言絕句

路入金州江中作

唐方干

棹尋椒岸縈迴去數里時逢一兩家知是從來貢金處
江邊牧豎亦披沙

雜詠

明張治

紫宸宮闕九天開中使傳宣殿裏來紅玉雕盤宮錦覆
上公含笑賜金回

西苑宮詞

明張元凱

蓬萊方丈可梯航勾漏丹砂近寄將昨鑄銀山高幾許

試持玉尺殿中量

南唐宮詞

明
范
汭

女冠烏爪解方音識得蓬瀛路淺深
戲搦雪花鎔紫磨
漢宮誰數辟寒金

御定佩文齋詠物詩選卷一百五十三

欽定四庫全書

御定佩文齋詠物詩選卷一百五十四

錢類

五言古

飲劉原甫家原甫懷二古錢勸酒其一齊之大
刀長五寸半其一王莽時金錯刀長二寸半

宋
梅堯臣

主人勸客飲勸客無天妍欲出古時物先請射以年我

料孔子履久化武庫烟固知陶氏梭飛乘風雨天世無
軒轅鏡百怪爭後先復聞豐城劍已入平津淵聊讐二
百載儻有書畫傳嗚呼纒十一便可傾觥船探懷發二
寶太公新室錢獨行齊大刀鑱形末環連文存半辨齊
背有模法圓次觀金錯刀一刀平五千精銅不蠹蝕肉
好鈎婉全為君舉酒盡跨馬月娟娟

七言古

題毘陵承氏家藏古錢

元 吳 萊

我觀泉志頗識錢古今錢品不一傳歷山鑄金史靡紀
泉府職幣開其前五銖半兩日以變榆莢鶩眼爭相緣
重輕子母信有制周郭肉好俱完全吾知聖人利世用
要在百貨得懋遷農夫紅女寘不易尺布斗粟儲為淵
嗟哉後王弊自此竟使匹庶握利權剪皮鑿鑠偽莫禁
執籤障簾慳稱賢國儲何當調度足民食矧是釐鹽先
潛交鬼神欲著論臭街富貴仍開廡冶卒銅工各鼓鞮
偏爐盜鑄多煙燧一朝變通別改幣餘盡沈朽徒埋船

承君好古此收拾寶玩有若編埒然大貝南金特嗇厚
元珪博璧同瑛鮮漢官受一潔簞簞晋士挂百酣栝棖
白水真人笑有讖上清童子猜非仙古錢勿用幸久貯
古貨難賣空精甄時能撫摩却穢夢坐與饕濁收饒涎
世間萬物裏可盡牀脚一甕踏欲癩試看營室鑠星處
何似揚州騎鶴年

五言律

錢

唐
李嶠

漢日五銖建姬年九府流天龍帶泉寶地馬列金溝趙
壹囊初乏何曾箸欲收金門應入論玉井冀來求

七言律

金錢卜歡

元 楊維禎

紫姑壇上祝方兄忽聽呼盧擲地聲星斗未分牛女會
陰陽先判雨雲生青蚨孕子寧無兆玉蝶化身仍有情
寶鏡重圓三五夜好磨半月問虧盈

錢篋

明 瞿 佑

器小纔堪貯百千也勝撲滿費陶甄書生紙裹真堪笑
鄰女香囊亦可憐野步不須鞋上繫市沽何用杖頭懸
畫叉更有黃州竹取用隨時合自然

詠錢

明沈周

箇許微軀萬事任似泉流動利源深平章市物無偏價
泛濫兒童有愛心一飽莫充輸白粟五財同用媿黃金
可憐別號為賕賂多少英雄就此沈

丙子九月工部奏進萬厯制錢式樣賜講官六

人各一錠

明
于慎行

漢苑新成少府錢萬年寶歷赤文鐫青鳧出冶銅官奏
黃紙題名玉署傳趙壹囊空畱暫滿東方俸薄賜常偏
五侯甲第虛成埽未擬儒臣受寵年

七言絕句

江南曲

唐
于鵠

偶向江邊採白蘋還隨女伴賽江神衆中不敢分明語
暗擲金錢卜遠人

御定佩文齋詠物詩選卷一百五十四

欽定四庫全書

御定佩文齋詠物詩選卷一百五十五

錦綺類

五言古

領邊繡

梁沈約

織手製新奇，刺作可憐儀。
縈絲飛鳳子，結縷坐花兒。
不聲如動吹，無風自裊枝。
麗色倘未歇，聊承雲鬢垂。

五言律

錦

唐李嶠

漢使巾車遠河陽步障陳雲浮仙石日霞滿蜀江春機
迴迴文巧紳兼束髮新若逢楚王貴不作夜行人

綾

李嶠

金縷通秦國為裘指魏君落花遙寫霧飛鶴近圖雲馬
眼冰凌影竹根雪霰文何當畫秦女煙際坐氤氳

五言排律

賦得臨風舒錦

唐蕭昕

麗錦疋云終檐檐展向風
花開翻覆翠色亂動搖紅縷
散悠揚裏文迴照灼中低
垂疑步障吹起作晴虹既與
丘遲夢深知卓氏功還鄉將
製服從此表亨通

七言律

庾順之以紫霞綺遠贈以詩答之

唐
白居易

千里故人心鄭重一端杏綺紫氤氳開絨日映晚霞色
滿幅風生秋水文為褥欲裁憐葉破製裘將剪惜花分

不如裁作合歡被寤寐相思如對君

錦

唐鄭谷

文君手裏曙霞生美號仍聞借蜀城奪得始知袍更貴
著歸方覺晝偏榮宮花顏色開時麗池鳳毛衣浴後明
禮部郎官人所重省中別好占窠名

大名文濟王賜重綵二端賦謝

元薩都拉

夜夢東南五色雲曉聞使者已臨門府中重遣年前賜

幕下多承望外恩
芝艸暖霞浮露彩
藕絲秋水織霜痕
何因得侍西園宴
宮錦淋漓獻壽樽

五言絕句

錦

唐薛瑩

軋軋弄寒機功多力漸微
惟憂機上錦不稱舞人衣

七言絕句

少儀

唐司空圖

昨日登班侍柏臺
更慚起草屬微才
錦窠不是尋常錦

兼向丘遲奪得來

代送中使織衮還朝

明 俞安期

織罷冰綃進御歸
鮫人水國暫停機
自憐不及吳蠶老
一吐新絲上衮衣

御定佩文齋詠物詩選卷一百五十五

欽定四庫全書

御定佩文齋詠物詩選卷一百五十六

布帛類

五言古

素絲

唐
陸龜蒙

園客麗獨繭詩人吟五綬如何墨子見反以悲途窮我
意豈如是願參天地功為綫補君袞為絃繫君桐左右
脩闕職宮商還古風端然潔白心可與神明通

七言古

白絳行

唐杜甫

縹絲須長不須白越羅蜀錦金粟尺象牀玉手亂殷紅
萬草千花動凝碧已悲素質隨時染裂下鳴機色相射
美人細意熨帖平裁縫滅盡針線跡春天衣著為君舞
蛺蝶飛來黃鸝語落絮遊絲亦有情隨風照日宜輕舉
香汗清塵汚顏色開新合故置何許君不見才士汲引
難恐懼棄捐忍羈旅

東川清絲寄魯冀州戲贈

宋 蘇軾

鷺谿清絲清如冰，上有千歲交枝藤。
藤生谷底飽風雪，歲晚忽作龍蛇升。
嗟我雖為老侍從，骨寒只受布與緇。
牀頭錦衾未還客，坐覺芒刺在背膺。
豈如顛卿晚乃貴，福祿正似川方增。
醉中倒著紫綺裘，下有半臂出縹綾。
封題不敢妄裁剪刀尺，自有佳人能遙知。
千騎出清曉，積雪未放浮塵興。
白鬚紅帶柳絲下，老弱空巷人相登。
但放竒紋出領袖，吾顛雖老無人憎。

五言律

羅

唐
李嶠

妙舞隨裙動行歌入扇清
蓮花依帳發秋月鑿帷明
雲薄衣初捲蟬飛翼轉輕
若珍三代服同擅綺紈名

布

李嶠

御績創義皇緇冠表素王
瀑飛臨碧海火浣擅炎方
孫被登三相劉衣闌四方
佇因春斗粟來曉棣華芳

五言排律

恩賜耆老布帛

唐崔樞

殊私及耆老聖德振黎元布帛忻天賜生涯拜主恩情
均皆挾纊禮異賁丘園慶洽時方泰仁沾月告存寧知
酬雨露空識荷乾坤擊壤將何幸徘徊望九門

七言絕句

鮫綃

唐吳融

雲供片段月供光貧女寒機枉自忙若道不蠶能致此
海邊何事有扶桑

高氏姊惠素羅

元 鄭允端

雪色香羅照眼明
阿兄寄贈見深情
明朝急為裁春服
相約麻姑禮上清

寄絹陳雲泉

明 陸 鈺


白米新炊夜夜香
糟牀應聽雨淋浪
只愁濕却陶公葛
為寄官家壓酒囊

送賣水絮人過萬州

明 湯顯祖

江西水絮白輕微
殘臘天南正葛衣
見說先朝曾雨雪

檳榔寒落凍雲飛



御定佩文齋詠物詩選卷一百五十六

欽定四庫全書

集部

御定佩文齋詠物詩選卷一百五十五

六十三

詳校官侍郎_臣李封

主事銜_臣徐以坤覆勘

總校官檢討_臣何思鈞

校對官中書_臣楊世綸

謄錄監生_臣顧永涵

欽定四庫全書

御定佩文齋詠物詩選卷一百五十七

芎藭類

五言古

黃葛篇

唐李白

黃葛生洛谿黃花自綿幕青煙蔓長條繚繞幾百尺閨
人費素手采緝作絺綌縫為絕國衣遠寄日南客蒼梧
大火落暑服莫輕擲此物雖過時是妾手中跡

題耕織圖

元 趙孟頫

池水何洋洋，漚麻水中央。數日麻可取，引過兩手長。織
絹能幾時，織布已復忙。依依小兒女，歲晚歎無裳。布襦
不掩脛，念之熱中腸。朝緝滿一籃，暮緝滿一筐。行看機
中布，計日漸可量。我衣苟已成，不憂天早霜。

七言古 附長短句

白紵

古樂府

白紵寶如月，輕如雲。色似銀，製以為袍。餘作巾袍，以光

軀巾拂塵

羅浮山父與葛篇

唐李賀

依依宜織江雨空雨中六月蘭臺風博羅老仙時出洞
千歲石牀啼鬼工蛇毒濃凝洞堂濕江魚不食銜沙立
欲剪箱中一尺天吳娥莫道吳刀澀

采葛歌

唐闕名

葛不連蔓茶台台今我采葛以作絲女工織分不敢遲
弱於羅兮輕霏霏號絺素兮將獻之

白苧歌

宋 戴復古

雲為緯玉為經一織三條手織成一片冰清如夷齊可
以為衣陟彼西山於焉采薇

五言律

和李尹種葛

唐 戎昱

弱質人皆棄唯君手自栽
藟含霜後竹香惹臘前梅擬
託凌雲勢須憑接引材
綠陰如可惜黃鳥定飛來

七言律

答甘允從寄海東白紵

元虞集

海國練衣雪色明，寄將千里見高情。
著隨野鶴渾相稱，行近沙鷗亦不驚。
江露滿船歌醉起，爐煙攜袖憶詩成。
秋風遊子偏愁予，誰采芙蓉共晚晴。

五言絕句

山居

唐鮑溶

窈窕垂澗蘿，蒙茸采葛花。
鴛鴦憐碧水，照影舞金沙。

石門曲

明王穉登

欽定四庫全書

續定四庫全書
卷一百五十七

蠶成桑葉空門前青苧長一半織即衣一半結魚網

七言絕句

邨行

金
郭邦彥

棗花初落路塵香
燕掠麻池乍颯颯
一片雲陰遮十頃
賣瓜棚下午風涼

其二

芹葉蘆花岸兩邊
釣谿石畔落孤鷺
小畦引入平流水
麻稈森森已拍肩

御定佩文齋詠物詩選卷一百五十七

欽定四庫全書

御定佩文齋詠物詩選卷一百五十八

檀扇類

五言古

別檀帳火爐

唐白居易

憶昨臘月天北風三尺雪年老不禁寒
夜長安可徹賴有青檀帳風前自張設
復此紅火爐雪中相暖熱如魚入淵水
似兔藏深穴婉軟蟄鱗蘇溫燉凍肌活
方安陰

慘夕遽變陽和節無奈時候遷豈是恩情絕毳簾逐日
卷香燎隨煙滅離恨屬三春佳期在十月但令此身健
不作多時別

五言律

謝汾州田大夫寄茸擅蒲萄

唐姚合

筐封紫蒲萄筒卷白茸毛卧暖身應健含消齒免勞衾
衣疎不稱梨栗鄙難高曉起題詩報寒漸滿筆毫

七言律

襲美將以綠罽為贈因成四韻

唐
陸龜蒙

三徑風霜利若刀，檐榆吹斷骨蓬蒿。
閒中祇自嗟龍具，世上何人識羽袍。
狐貉近懷珠履貴，薜蘿遙羨白巾高。
陳王輕暖如相遺，免製衰荷效廣騷。

酬魯望見迎綠罽次韻

唐
皮日休

輕裁鴨綠任金刀，不怕西風斷野蒿。
酬贈既無青玉案，織華猶欠赤霜袍。
煙披怪石難同逸，竹映仙禽未勝高。

成後料君無別事，只應酣飲讀離騷。

周國雍參藩寄紅罽衣賦此為謝

明

朱多炆

萬里蠶叢亦浣紗，使君緘贈自三巴。
濯殘秋水天孫錦，染盡春山杜宇花。
嬾集芰荷成短褐，閒過祇樹混袈裟。
相思幾上江邊閣，却捲珠簾坐暮霞。

七言絕句

元宮詞

明

朱有燾

清寧殿裏見元勳侍坐茶餘到日曛旋著內官開寶藏
剪絨段子御前分

御定佩文齋詠物詩選卷一百五十八

欽定四庫全書

御定佩文齋詠物詩選卷一百五十九

印笏類

四言古

印衣銘

漢

胡廣

明明聖皇旌以命服紆朱懷金為光為飾邁種其澤撫
寧四國宣慈惠和柔嘉維則克副帝心膺茲多福登位
歷壽子孫千億

印銘

漢李尤

赤紱在躬非印不明
祭傳符節非印不行
龜鈕犢鼻用
爾作程

印銘

晉傅玄

往昔先王配天垂則
乃設印章作信萬國
取象晷度是銘是刻
文明慎密直方其德
本立道生歸乎玄默
太上結繩下無荒慝

笏讚

晉王升之

慎為德要惟善用光敬上尊賢貴不踰常用制斯器備
對遺忘因事施禮升降有章

七言古

附長短句

謝王仲至惠洮州礪石黃玉印村

宋
黃庭堅

洮礪發劔吐貫日印章不琢色蒸栗磨礪頑鈍印此心
故人持贈意堅密故人鬢凋文字工藏書萬卷胸次同
日臨天閑豢真龍新詩得意挾雷風我貧無句當二物

看公倒海取明月

孔道輔擊蛇笏

元趙孟頫

以笏擊蛇有孔公義與段公擊賊同事之鉅細雖有異
正氣憤激生於中偉哉孔公聖人齋豈聽妖邪惑民志
即今槐木一尺強氣象凜凜含風霜子孫守之慎寶藏
絕勝象牙堆滿牀

題姑蘇陸友仁所藏衛青印

元揭傒斯

白玉蟠螭小篆文姓名識得衛將軍衛將軍今何在白

草茫茫古時塞將軍功業漢山河江南陸郎古意多

五言律

決道廿八弟得小金印以詩贈之

宋

晁冲之

季也獲金印籀文秦不如情知非鳥跡恨不識天書池
靜龜遊罷庭閒鵲開餘春風還舊物疎俊最憐渠

贈貢泰甫先生牙笏詩

元

李士瞻

象簡凝霜重蒼髯雪色新轉輸勞算用報答費經綸垂

珮朝明主臨軒問老臣此時江海上人已厭風塵

七言律

獲玉印

三茅山道童遇白兔入穴掘之得九
老仙都君玉印一顆乃堂和故物也

元

吳全節

瑤瑛篆刻鎮華陽猶帶宣和雨露香玉兔有靈開地藏
金童無意得天章九重臺上增春色萬里書中耿夜光
喜遇明時薦神瑞三君珍重護宏綱

七言絕句

戲題製美書印囊

唐
陸龜蒙

鵲銜龜顧妙無餘不愛封侯愛石渠應笑休文過萬卷
至今誰道沈家書

奉和陸魯望印囊次韻

唐
皮日休

金篆方圓一寸餘可憐銀艾未思渠不知夫子將心印
印破人間萬卷書

欽定四庫全書

御定佩文齋詠物詩選
卷一百五十九

御定佩文齋詠物詩選卷一百五十九

欽定四庫全書

御定佩文齋詠物詩選卷一百六十

冠簪類

四言古

冠幘銘

漢
李尤

冠為元服幘為首服君子敬慎自強不忒

五言古

贈四王冠詩

漢
應亨

濟濟四令弟妙年踐二九令月維吉日成服加元首人
咸飾其容鮮能離塵垢雖無兕觥爵杯醮傳旨酒

贈潘正叔

晉
陸機

過蒙時來運與爾遊承華執笏崇賢內振纓曾城阿

五言律

翻著葛巾呈趙尹

唐
張說

昔日接羸倒今我葛巾翻宿酒何時醒形骸不復存忽
聞有佳客躡步出閭門桃花春徑滿誤識武陵源

答陳拾遺贈竹簪

唐
張九齡

與君嘗此志因物復知心
遺我龍鍾節非無玳瑁簪
幽素宜相重雕華豈所任
為君安首飾懷此代兼金

酬賀四贈葛巾之作

唐
王維

野巾傳惠好茲貺重兼金
嘉此幽棲物能齊隱吏心
早朝方斲挂晚沐復來簪
坐覺囂塵遠思君共入林

詠白油帽送客

唐
錢起

薄質慚加首微陰幸庇身
卷舒無定日行止必依人已

沐脂膏惠寧辭雨露頻雖同客衣色不染洛陽塵

答寄芙蓉冠子

唐王 建

一學芙蓉葉初開映水幽雖經小兒手不稱老夫頭枕
上眠常戴風前醉恐柔明年有閨閣此樣必難求

答友人惠牙簪

唐章孝標

牙簪不可忘來處隔炎方截得半輪月磨成四寸霜曉
辭梳齒膩秋入髮根涼好是紗巾下纖纖錐出囊

山友寄蘇花冠

唐項 斯

塵汗出華髮，慚君青蘚冠。此身閒未得，終日戴應難。好就松陰掛，宜當枕石看。會須尋道士，簪去繞霜壇。

丁孝廉惠冠巾

明 高啟

知試山人服，冠巾遠寄重。佳名因子夏，舊製學林宗。累映秋吟鬢，敬宜晚醉容。朝簪今已解，斯上華陽峰。

酬惟喬贈巾

明 薛蕙

野巾初著日，心賞竟朝曛。試正行窺水，從教卧看雲。坐翻嫌月露，出每避塵氛。顧影還相笑，風流媿使君。

七言律

以紗巾寄魯望因而有作

唐皮日休

周家新樣替三梁

頭巾起後周武帝

裏髮偏宜白面郎掩斂乍疑

裁黑霧輕明渾似戴元霜今朝定見看花側明日應聞
漉酒香更有一般君未識虎文巾在絳霄房

襲美以紗巾見惠繼以雅音因次韻酬謝

唐陸龜蒙

薄如蟬翅背斜陽不稱春前贈畱郎初覺頂寒生遠吹

預憂頭白透新霜
堪窺水檻澄波影
好拂花牆亞蕊香
知有芙蓉畱自戴

桐柏真人
戴芙蓉冠

欲峨煙霧訪黃房

友人遺華陽巾

唐 闕 名

剪霧裁煙勝角冠
來從玉洞五雲端
醉宜薤葉敲斜影
穩稱菱花仔細看
野客愛畱籠鶴髮
谿翁爭乞配魚竿
眞仙首飾勞相寄
塵土翻慚戴去難

椰子冠

宋 蘇 軾

天教日飲欲全絲
美酒生林不待儀
自漉疎巾邀醉客

更將空殼付冠師規模簡古人爭看簪導輕安髮不知
更著短檐高屋帽東坡何事不違時

謝人惠雲巾

蘇軾

燕尾稱呼理未便剪裁雲葉却夫然無心只是青山物
覆頂宜歸紫府仙轉覺周家新樣俗未容陶令舊名傳
鹿門佳士勤相贈黑霧元霜合比肩

網巾

元謝宗可

烏紗未解滌塵袪一網清風兩鬢寒
篩影細分雲縷滑

棋文斜界雪絲乾不須漁父燈前結且向詩翁鏡裏看
頭上任渠籠絡盡有時華髮亦衝冠

謝戴文瓚僉院惠州帽

元陳高

細結夫須染色新使君持贈意偏真玉川便易煎茶帽
元亮還拋漉酒巾影墮水波浮晚照黑遮霜鬢隔秋塵
深慚欲報無瓊玖感戴寧忘拂拭頻

別帽

元丁鶴年

雲樣飄蕭月樣團百年雄麗壓南冠黃金綴頂攢文羽

白壁垂纓間木難刺繡尚期平敵壘簪花曾夢舞仙壇
一從吹墮西風裏誰念塵沙白髮寒

陵祀歸得賜煖耳詩和方石韻

明
李東陽

烏紗巾上透涼颭一髮君恩力未辭賜煖宮貂同日戴
冒寒郊馬有人騎耳聞明主如絲詔心似窮民挾纊時
明向玉階還再拜羔羊重續退公詩

籜冠

明
朱之蕃

龍孫頭角舊青霄
蛻甲斑紋永不凋
偃月製成籠短髻
切雲剪就映高標
都門掛後名心淨
湖曲歸來逸興驕
酒漉葛巾慵更著
行吟搔首自逍遙

戊寅正月上尚巾禮成羣臣稱賀賜白金文綺

明

于慎行

負辰年來海岳安
春朝繡幘始加冠
龍樓拂曙天顏近
玉座垂旒日角寬
九廟神靈應已慰
兩階環珮不勝歡
邇臣幸奉青蒲對
珍賜還看出上關

五言絕句

答友人贈烏紗帽

唐
李白

領得烏紗帽全勝白接羅
山人不照鏡稚子道相宜

七言絕句

答元八遺紗帽

唐
張籍

黑紗方帽君邊得稱對山前坐
竹牀惟恐被人偷樣剪
不曾閒戴出書堂

華陽巾

唐
陸龜蒙

蓮花峰下得佳名，雲褐相兼上鶴翎。
須是古壇秋霽後，靜焚香炷禮寒星。

漉酒巾

陸龜蒙

靖節高風不可攀，此巾猶墜凍醪間。
偏宜雪夜山中戴，認取時情與醉顏。

清興

唐韓偓

陰沈天氣連翩醉，摘索花枝料峭寒。
擁鼻遶廊吟看雨，不知遺却竹皮冠。

小遊仙詩

唐
曹唐

昨夜相邀宴杏壇等閒乘醉走青鸞紅雲塞路東風緊
吹綻芙蓉碧玉冠

玉山草堂口占

元
顧瑛

臨池醉吸杯中月隔屋香傳蕊上花狂煞會稽于外史
秋風吹墮小烏紗

御定佩文齋詠物詩選卷一百六十

欽定四庫全書

御定佩文齋詠物詩選卷一百六十一

衣類 附帕

五言古

新製布裘

唐

白居易

桂布白似雪吳綿軟於雲
布重綿且厚為裘有餘溫
朝擁坐至暮夜覆眠達晨
誰知嚴冬月肢體暖如春
中夕忽有念撫裘起逡巡
丈夫貴兼濟豈獨善一身
安得萬

里裘蓋裏周四垠穩暖皆如我天下無寒人

黑裘

宋王禹偁

野蠶自成繭縹密為山綢此物產何許萊夷負海州一
端重數斤裁染為裘裘守黑異華侈崇儉非輕柔熏香
則無取風雪曾何憂朝可奉冠帶夜以為衾裯晏嬰三
十年庶幾跡相侔季子歎貂弊吾服已為優不恥狐貉
者亦當師仲由况我屢遷謫行採賡歌詠映髮垂鷲頂
植杖昂鳩頭袖寬可以舞老農即為儔不曳銀臺門任

爾爭封侯

澣衣圖

元
曹伯啟

靜女思歸寧澣衣拜高堂
隱士履貞固濯纓視滄浪
苟有涓潔心顚顛猶姬姜
常懷濟時策進退皆康莊

藤蓑次陳公甫韻

明
李東陽

采藤復采藤日夕費斤斧
製為身上蓑人古衣亦古
借問製者誰白沙乃蓑祖
冉冉綠蓑衣蕭蕭白沙渚
披蓑向江水顧影還獨語
愛此勿輕捐春江正多雨

藤蓑

明
陳憲章

一蓑費幾藤南岡礪朝斧交加落翠鬚制作顛上古吾
聞大澤濱羊裘動世祖何如六尺蓑滅跡蘆花渚舉俗
無與同天隨夢中語今夜不須歸前谿正風雨

其二

新蓑藤葉青舊蓑藤葉白新故理則然胡為妄忻戚扁
舟西湖口坐望南山石東風吹新蓑浩蕩滄溟黑須臾
月東上萬里天一碧安得同心人婆娑共今夕

七言古

附長短句

訓殷佐明見贈五雲裘歌

唐李白

我吟謝朓詩上語朔風颯颯吹飛雨謝朓已往青山空
後來繼之有殷公粉圖珍裘五雲色燦如晴天散綵虹
文章彪炳光陸離應是素娥玉女之所為輕如松花落
金粉濃似苔錦含碧滋遠山積翠橫海島殘霞霏丹映
江草凝毫採掇花露容幾年功成奪天造故人贈我我
不違著令山水含清暉頓驚謝康樂詩興生我衣襟前

林壑斂暝色袖上煙霞收夕霏羣仙長嘆驚此物千崖
萬嶺相縈鬱身騎白鹿行飄飄手翳紫芝笑披拂相如
不足誇鸛鶴玉恭鶴安可方瑤臺雪花數千點片片
吹落春風香為君持此凌蒼蒼上朝三十六玉皇下窺
夫子不可及矯首相思空斷腸

雪軒高士以白紵製服作歌戲贈

元

周權

經氷緯玉紛縱橫三盃寒露方織成曉機裂下不敢翫

一道雪瀑來中庭天然精潔不可浣犀熏麝染慚吳綾
製成素服輕於雪雅稱仙官鏘珮玦星斗離離夜挿椽
高興飄飄白銀闕乘風便控紫鸞車瓊簫吹落蓬萊月

擬寄衣曲

元
鄭允端

男兒遠向交河道鐵馬金戈事征討邊頭八月霜風寒
欲寄征衣須趁早急杵清砧擣夜深玉纖銅斗熨貼平
裁縫製就衣襖裙千針萬線始得成封裏重重寄邊使
為語夫君奮忠義好將功業立邊陲要使聲名垂史記

裁衣行

明
劉秩

裁衣須裁短短衣短衣上馬輕如飛縫袖須縫窄窄袖
袖窄彎弓不礙肘短衣窄袖樣時新殷勤寄與從軍人
願郎著衣便弓馬破敵長驅古城下明年佩印披紫緋
裁衣不比從軍時

五言律

端午日賜衣

唐
杜甫

宮衣亦有名端午被恩榮細葛含風軟香羅疊雪輕自

天題處濕當暑著來清意內稱長短終身荷聖情

謝令狐綯相公賜衣九事

唐賈島

長江飛鳥外主簿跨驢歸
逐客寒前夜元戎與厚衣
雪來松更綠霜降月彌輝
即入調殷鼎朝分是與非

敝裘

元楊載

寂寞牛衣子能無敝緼袍
塵埃須沆濯蠹蝨費爬搔
意味存鷄肋寒涼視馬毛
千金既銷鑠猶聽朔風號

謝賜衣

明高啟

臚呼遙捧賜拜服望蓬萊香帶爐煙下光迎扇月開
文天女織新樣內官裁被澤徒深厚慚無奪錦才

五言排律

古錦裾

唐

吳融

濯水經何日隨風故有人綠衣猶逼畫丹頂尚迷真

錦上
有鶴

鶴暗淡雲沈古青蒼薜剝新映襟知染唾侵鷲想紫塵
掣曳無由覩流傳久自珍武威應認得牽挽幾當春

七言律

元九以紵絲布白輕襖見寄製成衣服以詩報
之

唐

白居易

綠絲文布素輕襖珍重京華手自封
貧友素勞君寄附
山妻親為我裁縫袴花白似秋雲薄
衫色青於春艸濃
欲著却休知不稱折腰無復舊形容

聞行簡恩賜章服喜成長句寄之

白居易

吾年五十加朝散爾亦今年賜服章
齒髮却同知命歲

官銜俱是客曹郎
榮傳錦帳花聯萼
綵動綾袍鴈趁行
大抵著緋宜老大
莫嫌秋鬢數經霜

喜劉蘇州恩賜金紫遙想賀燕以詩慶之

白居易

海內姑蘇太守賢
恩加章綬豈徒然
賀賓喜色欺杯酒
醉妓歡聲遏管絃
魚珮葦鱗光照地
鶻銜瑞草勢冲天
莫嫌鬢上些些白
金紫由來稱長年

和楊六尚書喜兩弟漢公轉吳興魯士賜章服

命賓開宴用慶恩榮賦長句見示

白居易

華筵賀客日紛紛
劍外歡娛洛下聞
朱紱寵光新照地
彤襜喜氣遠凌雲
榮聯花萼知難和
樂助埴麩酒易醺
感羨料應知我意
今生此事不如君

故衫

白居易

閣淡緋衫稱老身
半披半曳出朱門
袖中吳郡新詩本
襟上杭州舊酒痕
殘色過梅看向盡
故香因洗嗅猶存

曾經爛熳三年著欲棄空箱似少恩

訓樂天得禎所寄紵絲布白輕裕製成衣服以

詩報之

唐元禎

湓城萬里隔巴庸紵薄綈輕共一封腰帶定知今瘦小
衣衫難作遠裁縫惟愁書到炎涼變忽見詩來意緒濃
春草綠茸雲色白想君騎馬好儀容

和蔣學士新授章服

唐王建

五色箱中絳服春笏花成就白魚新看宣賜處驚迴眼

著謝恩時便稱身瑞草惟承天上露紅鸞不受世間塵
翰林同賀文章出驚動茫茫下界人

賀淮南節度盧員外賜緋

唐羅隱

儉蓮高貴九霄間燦燦朱衣降五雲
驄馬早年曾避路銀魚今日且從軍
銜題綵服垂天眷袍展花心透縠紋
應笑當年老萊子鮮華都降自明君

賀淮南節度盧員外賜緋

唐徐商

朱紫花前賀故人兼榮此會頗關身
同年座上聯賓榻

宗姓亭中布錦裯晴日照旗紅灼爍韶光入隊影玢璘
芳菲解助今朝喜嫩蕊青條滿眼新

賀盧員外賜緋

唐

段成式

雲雨軒懸鶯語新一篇佳句占陽春銀黃年少偏欺酒
金紫風流不讓人連壁座中斜日滿貫珠歌裏落花頻
莫辭倒載吟歸去看取東山又吐茵

賀盧員外賜緋

唐

王 傳

朱紫聯輝照日新芳菲全屬斷金人華筵重處宗盟地

白雪飛時郢曲春
仙府色饒攀桂侶
蓮華光讓握蘭身
自憐亦是膺門客
吟想恩榮氣益振

歸鄉蒙賜錦衣

唐翁承贊

九重宣旨下丹墀
面對天顏賜錦衣
中使擎來三殿曉
寶箱開處五雲飛
德音耳聽君恩重
金印腰懸已力微
更待臨軒陳鼓吹
星軺便指故鄉歸

宣賜錦袍設上贈諸郡客

唐劉兼

十月芙蓉花滿枝
天庭驛騎賜寒衣
將同玉蝶侵肌冷

也遣金鵬徧體飛夜卧始知多忝竊晝行方覺轉光輝
深冬若得朝丹闕太華峰前衣錦歸

道服

宋 王禹偁

楮符布褐皂紗巾曾奉西垣寓直人此際暫披因假日
如今長著見閒身濯纓未識三湘水漉酒空經五柳春
不為行香著朝服二車誰信舊詞臣

謝茅山主者贈白羅氅衣請為作大洞祖宗師

四十五贊

元 虞 集

鶴氅裁成雪色新，仙翁持寄感情真。
清高自此全拋俗，寬博由來穩稱身。
珮玉洞聞雲外響，劔光飛射日中塵。
畫圖寫向羣真裏，便是揮毫贊詠人。

登第賜章服

元
宋 裴

承平天子重科名，章服分頒出大明。
袍是涿羅香縷細，笏勝楷木素文橫。
晨趨象魏雲霞燦，夕奏龍池玉雪清。
遙想鳴珂朝會處，鵷行爭訝被恩榮。

戊寅正月進講賜大紅織成緞衣一襲

明
于慎行

講殿朝朝聖渥頻賜衣又見出楓宸織成共識金梭巧
貢到初開錦樣新色借宮雲紅近日香浮仙珮暖宜春
垂裳幸值軒唐理補袞無勞媿許身

五言絕句

尚書念舊垂賜袍衣率題絕句獻上以申感謝

唐
岑參

富貴情猶在相逢豈間然綈袍更有贈深荷故人憐

邊軍支春衣

唐柳公權

挾纊非真纊分衣是假衣從今貔虎士不憚戍金微

四時宮詞

元曹文晦

雪亞雙鴛瓦寒生五鳳樓羊羔初燕罷分賜繡萼裘

古詞

明高啟

妾刀不斷機郎行當早歸還將機中錦作郎身上衣

古意

明趙南星

錦織雙鴛鴦還自裁為衣恐入他人手不解惜分飛

七夕詠百花畫衣

明 柳應芳

七夕畫衣裁一花一色開當筵翻酒濕爭道渡河來

典衣曲

明 陳鴻

典盡衣難贖鄰家夜搗砧那堪風露冷兒女說秋深

六言絕句

七月寄衣

明 董少玉

鴈鴻何處飛鳴滿目蕭條黃草書來先寄寒衣風雨太

原秋早

七言絕句

花褐裘

唐
張籍

對織芭蕉雪毳新
長縫衫袖窄裁身
到頭須向邊城著
消得秋風稱獵塵

戲題試衫

唐
司空圖

朝班盡說人宜紫
洞府應無鶴著緋
從此玉皇須破例
染霞裁賜地仙衣

小遊仙詞

唐
曹唐

八海風凉水影高上卿教製赤霜袍
鮫絲玉線難裁割須借玉妃金剪刀

新服裁製初成

唐

薛濤

紫陽宮裏賜紅綃仙霧朦朧隔海遙
霜兔毳寒冰繭淨嫦娥笑指織星橋

其二

九炁分為九色霞五靈仙馭五雲車
春風因過東君舍偷樣人間染百花

劉子澄寄羊裘

宋朱子

誰把羊裘與醉披，故人心事不相違。
意行今夜知何處，月冷風淒未肯歸。

輦下曲

元張昱

只孫官樣青紅錦，裹肚圓文寶相珠。
羽仗執金班控鶴，千人魚貫振嵩呼。

宮詞

元柯九思

萬里名王盡入朝，法宮置酒奏簫韶。
千官一色真珠襖。

寶帶攢裝穩稱腰

惟寅徵君踏雨過林館為畱終日因誦近賦絕

句三首輒走筆奉和

錄一

元

周砥

秋來長掩竹間扉過客誰能識道機慚愧廬山陳處士
時來共葺薜蘿衣

山居詩

元

僧清珙

一天紅日曉東南自拔青苗插瘦田布襪半沾泥水濕
歸來脫曬竹房前

元宮詞

明朱有燬

閭闔門開擁鉞旄
千官侍立曉星高
衣欲進虬龍服
錯捧天鵝織錦袍

其二

健兒千隊足如飛
隨從南郊露未晞
鼓吹聲中春日曉
御前咸著只孫衣

其三

纖纖初月鵝黃嫩
淺淺方池鴨綠澄
內苑秋深天氣冷

越羅衫子換吳綾

貞谿初夏

明 邵亨貞

雨過深林竹筍肥
渡頭風急柳花飛
柴門不掩綠陰靜

人在閒窓試苧衣

扈從巡邊至宣府往還雜詩

明 楊士奇

懷來城外夜微雪
風送輕寒初著身
旦馬前紅一色
回軍共試賜衣新

小景

明 祝允明

濃雲壓嶺雨初至密葉障林風更多只有漁翁能了事
一枚圓笠半肩蓑

弘治宮詞

明
王世貞

南海珠池貢已稀西川又罷錦文機朝來御服三經澣
賤妾寧希曳地衣

長安春雪曲

明
王穉登

勒寒桃李未成蹊啄雪流鶯已自啼進得貂裘渾不著
聖人春日賜征西

題衲衣

明 陸樹聲

解組歸東萬事捐，盡將身世付安禪。
披來戒衲渾無事，不向歌姬為乞緣。

遊仙曲

明 屠瑤瑟

銀臺珠樹是仙家，綺閣晴嬌四照花。
不用安妃裁蜀錦，銖衣多剪赤城霞。

裁衣

明 董少玉

芙蓉江北雁飛飛，燕子磯邊人未歸。
只怕沈郎腰已瘦。

遲迴難寄舊時衣

附帕

七言律

鮫綃帕

明
瞿佑

繭結扶桑出海濱，
遠隨機杼倩鮫人。
不裁洛浦凌波襪，
能代湘川拭淚巾。
紫麝熏香收汗潤，
彩毫傳恨寄情真。
吳綾輕薄番羅俗，
出袖宜同掌上珍。

御定佩文齋詠物詩選卷一百六十一

欽定四庫全書

御定佩文齋詠物詩選卷一百六十二

帶佩類

五言古

玉環引送馬伯庸北上

元
王士熙

崑山有美璞，昆吾有寶刀。
推雪漉寒水，凝此英瓊瑤。
團團月長滿，晶晶白雲淺。
似環環無窮，寥寥人意遠。
有美天山人，皎潔同精神。
禁垣青春多大珮，垂朝紳腰無大

羽箭肘有如斗印結束上京行驪駒驟長鞞不採珊瑚
鈎海深安可求不執水蒼璧漢庭羅公侯愛此玲瓏質
題詩贈與客百金一朝傾三年不可得不得只空行山
泉琴峽鳴摩挲龍門石憶憶應畱情天風北極高歸塗
踏霜艸不惜玉環分只願君還早

七言古

玉連環歌為邢從周典簿作

元

張翥

于闐河頭夜光發赤髯賈胡采明月中有美璞凝寒晶

惟有鬼工能琢成伊誰得此邢公子示我綠玉雙連理
恍如空碧虹氣垂半隱青瑤蟾一規展之兩環不盈尺
疊作團團小蒼壁穀文錯落映雷文宛是昆吾寶刀刻
廬陵學士癖好奇辨古重以瓊琚詞珊瑚珮鈎詎可數
我疑製自金源時集賢仙人丈人行鳳閣舍人文有樣
請君畱東宮錦袍待看揮毫玉堂上

五言排律

水精環

唐羅維

王室符長慶環中得水精任圓循不極見素質仍貞信
是天然瑞非因璞斲成無瑕勝玉美至潔過冰清未肯
齊珉價寧同雜珮聲能銜任黃雀亦欲應時明

五言絕句

長安道

唐

麴信陵

朱門映綠楊雙闕抵通莊玉珮聲逾遠紅塵猶自香

佩韋

元

揭祐民

吾韋佩已久韋敝將若何縱有未韋性謝韋功已多

七言絕句

以玉帶施元長老元以衲裙相報次韻

宋
蘇軾

瘦骨難堪玉帶圍
鈍根仍落箭鋒機
欲教乞食歌姬院
故與雲山舊衲衣

小遊仙

元
楊維禎

青旄節衛翠雲駟
按部東行過赤城
龍女遺珠雞卵大
結為雙佩賜方平

御定佩文齋詠物詩選卷一百六十二